

Сарпинск районд школмуд муугъар белдгдджәнә

Сургъулин джил эклт хойр долан хонг ўлдв. Ўлдсн цаг ахр болн шахм. Иим цагла школ болгън белдврән дуусад, диг-лрәд ирдг мөн.

Сарпинск района школмуд сургъулин шин джилд ягъдж белн болдж гигъяд хәләхлә, ик муугъар кōдлсн ь ил болна. Школмуд белн болчкв гихлә— кесн юмн кўцс биш, белн биш гихлә—цааранднь белдг цаг уга, школмудар сургъуль эклх кергтә.

Энджл эн районд цуг бийнь 34 школ гархми, теднәс дундин 6 школ, долан джилин сургъулин 6 школ гарх зōвтә. Малодербетовск дундин школд хуучн 13 модн гермўд бәәнә. Эн школд капиталън ясвр кегдх зōвтә бәәсн мөн, тер бийнь

ясврин кōдлмшән июль сарин 25-д шинъкән эклсн, ода бийнь дуусглад уга.

Хойрдгч номертә совхозин школд бас капиталън ясвр кегдх зōвтә бәәдж. Цаглань эс эклдж кесн учрар, нам капиталън ясвр кегджәхми уга.

Садовкин болн Аброчинск дундин школмудар, Уманцовин болн Кировск долан джилин сургъулин школмудар сургъулин шин джилд белдлгънә кōдлмш зōвәр хашнъгар кегддж йовна. Ода бийнь кех кōдлмшнь оли, цаг бачм болчкад, ягъдж чилхнь медгдәд уга.

Коробкинә, Толочкинә, „Чкалов“ совхозин гурвдгч номертә фермин эклцин школ, Гооджурин, „Сарпинский“ совхозин

хойрдгч номертә фермин эклцин школ болн нань-чигн кесг эклцин школмудар сургъулин шин джилд белдлгън нам экләд чигн уга. Ода бийнь эклдж ясглад уга школмуд кезә белн болхмб?

Уманцовин, Аброчинск, Малодербетовск дундин школмудар интернатмуд ода бийнь белдгдәд уга.

Цуг района школмудар тўлә зōбдж белдлгън 50 процент кўцагддж.

Школмуд белдлгънә кōдлмшт иим дуту-дундс гарлгън, района эрдм-сургъулин отдел муугъар кōдлснә болн таньгъчин эрдм-сургъулин отдел гардврар эс тетгснә учр.

А. СЕМЕНОВА.